



OPĆINA KAKANJ

Općinski načelnik

Broj: 02/1- 2142 /18

Datum: 28.03. 2018. godine

MUNICIPALITY OF KAKANJ

Municipality Mayor

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14 i 47/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za javne nabavke, broj: 02/1-384/18 od 18.01.2018. godine, na preporuku Komisije za javnu nabavku konstatovane u Zapisniku o pregledu i ocjeni ponuda, broj: 08/1-14-1024-1/18 od 23.03.2018. godine, u konkurentskom zahtjevu za dostavu ponuda – Povećanje energijske efikasnosti Mjesnog doma Bjelavići, Općinski načelnik kao ugovorni organ d o n o s i

**ODLUKU
o izboru najpovoljnijeg ponuđača**

I

Prihvata se Preporuka Komisije za javne nabavke, broj: 08/1-14-1024-1/18 od 23.03.2018. godine i ugovor za nabavku - Povećanje energijske efikasnosti Mjesnog doma Bjelavići dodjeljuje se Grupi ponuđača Zanat d.o.o. Kakanj i Trgošped d.o.o. Kakanj, Ponuda broj: VP-06/18 od 22.03.2018. godine, za ponuđenu cijenu od 12.610,00 KM bez PDV-a (14.753,70 KM sa PDV-om).

II

Za izvršenje ove odluke zadužuje se i ovlašćuje Služba za privredu, urbanizam i zaštitu okoline i Komisija za javne nabavke Općine Kakanj.

III

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđaču koji je učestvovao u postupku javne nabavke.

IV

Ova odluka stupa na snagu danom donošenja i dostavlja se izabranom ponuđaču u postupku javne nabavke.

Obrazloženje

Ugovorni organ pokrenuo je konkurentski zahtjev za dostavu ponuda na osnovu Odluke, broj: 02/1-1358/18 od 26.02.2018. godine.

Objavljeno je Obavještenje na portalu javnih nabavki, broj: 792-7-3-2-3-4/18 od 07.03.2018. godine.

Na protokol Ugovornog organa do roka određenog za prijem ponuda, pristigla je ponuda Grupe ponuđača Zanat d.o.o. Kakanj i Trgošped d.o.o. Kakanj, za ponuđenu cijenu 12.610,00 KM bez PDV-a (14.753,70 KM sa PDV-om).

Nakon što je Komisija izvršila analizu dokumentacije pristigle ponude u smislu ispunjavanja zahtjeva iz tenderske dokumentacije, utvrđeno je da ponuda u potpunosti ispunjava uslove za kvalifikaciju.

Obzirom da je Ugovorni organ predvidio provođenje e-aukcije za konkretni postupak nabavke, ista se ne može zakazati iz razloga što nisu ispunjeni uslovi za provođenje iste u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj: 66/16).

Obzirom da nije bilo drugih učesnika, te da je ponuda Grupe ponuđača Zanat d.o.o. Kakanj i Trgošped d.o.o. Kakanj, jedina zaprimljena ponuda, formalno-pravno ispravna i prihvatljiva za Ugovorni organ, postupak se okončava u skladu sa članom 69. stav (1) tačka a) Zakona o javnim nabavkama BiH („Službeni glasnik BiH“, broj: 39/14 i 47/14).

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u tački I Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 dana od dana prijema ove odluke, u skladu sa članom 99. i 101. Zakona o javnim nabavkama BiH.

DOSTAVITI:

1. Grupi ponuđača Zanat d.o.o. Kakanj i Trgošped d.o.o. Kakanj
2. Komisiji za javne nabavke
3. U spis
4. A/a



OPĆINSKI NAČELNIK

Nermin Mandra